

Qadi Besar Kelantan, Tuan Haji Nik Adib telah memberi fatwa boleh bercampur di antara lelaki dengan perempuan asalkan ada maslahat dan memberi kebajikan: Syabas ia ada menyatakan nas-nasnya: Fatwanya disokong oleh seorang “guru” dengan memberi fikiran bahawa lain-lain ulama tidak bantah menunjukkan fatwanya itu benar! Masya-Allah-pengikutnya ini dan taklid buta! Orang-orang sudah tanya tuan Kadi itu apa nasnya-saya senyap: Pengarang kita juga sudah hantar surat register minta nas-hingga menulis ini senyap! Nampaknya tuan kadi itu pakai sedap cakap sahaja tidak memberi nas-nasnya daripada Al-Quran dan Al-Hadith: Kerana itu kita ingatkan kepada umum bahawa apa jua perkaryanya yang tidak ada keterangan daripada Al-Quran dan Al-Hadith, walaupun keluar daripada mulut seorang yang berjubah panjang dan berserban tinggi elai kain kuning-kalau tidak ada nasnya tidak boleh dipakai kerana hukum yang disuruh pegang itu bukan daripada fikiran seseorang yang hanya mahu cakap sahaja dengan tidak memberi keterangan.

-----*-----*

Tuan Kadi yang tersebut bilang “kalau ada maslahat dan manfaatnya.”
Maslahat dan manfaatnya apa: Apa tidak terang lagi firman Tuhan yang menunjukkan bencana-bencana yang besar tentang pergaulan campur aduk itu!

Dengan kerana fatwanya itu orang-orang di Singapura khasnya dan harus juga di Malaya suka mahu tanya. Kerana jawapan yang umum itu kalau kerana maslahat dan manfaat boleh campur maka patutlah nampaknya di Kelantan dan di mana-mana kelak campur gaul, berdancing dan sebagainya – kerana di sana ada maslahat dan ada kebajikannya? – apa maslahat dan kebajikan tentulah T.S.C. apa tidakkah ini ada maslahat dan manfaatnya juga ya Tuan Kadi.

-----*-----*

Tuan Syeikh Ahmad bin Muhammad Hasyim yang digelar oleh akhbar tempatan “pelopor-pelopor” agama menurut “Ahlul Sunnah wal Jamaah” sudah bidas keterangan Syed Hussin Al-Habsyi “Mufii” Masyumi cabang Surabaya (ingat di dalam Masyumi tidak ada mufti) yang telah menyatakan tetap haramnya loteri itu tuan syeikh itu jawab membuat dalih mengatakan bahawa wang itu bukan untuk agama tetapi akan digunakan untuk urusan kebajikan orang-orang Melayu. Kita suka tanya, ya syeikh! Apa bezanya? Adakah orang-orang Melayu itu bukan orang Islam dan apakah kebajikannya bukan kebajikan Islam? Harap tuan syeikh terangkan apa itu “urusan agama” dan bagaimana agama yang tuan syeikh kehendaki? Adakah semata-mata urusan “agama” itu ajarananya untuk mati sahaja sebagai difaham oleh “orang putih” di Johor dahulu? Atau adakah pandang jubah dan janggut sahaja? – harap dijawab! Ingat jangan cuba-cuba buat dalih atas hukum Allah!



Apabila orang Amerika hendak meminda ejaan Inggeris dengan membuang huruf-huruf yang lebih di dalamnya maka dengan keras orang-orang Inggeris mempertahankan hak mereka-tidak mahu mengubah walau sedikit pun tetapi kita? Apabila dianjurkan supaya diutamakan huruf ramai maka orang-orang kita berlumba-kepadanya. Bukannya itu sahaja tetapi akhirnya pelajaran bahasa kita di sekolah-sekolah Melayu pun dapat kerana di sana hendak diajarkan hampir-hampir semuanya bahasa Inggeris dan bahasa kita bagaimana? Diajar hanya dua atau tiga tahun-memdaikah begitu fikirlah baik-baik-mengubah ejaan sedang orang pertahankan tetapi kita.....suruh boleh!

-----*-----*

Dikatakan ada seorang “yang ternama” balik daripada perjalanan yang jauh. Ramai sahabat handai telah datang menyambutnya di padang kapal terbang untuk menunjukkan mahabah. Tetapi langkah terkejutnya sebahagian daripada mereka itu kerana bukannya mereka mendapat terkesima bahkan ia menerima jawapan-kawan ia selalu belseyar maka adalah ia tidak berhajat kepada

KOPI PAHIT

disambut! Orang ini langsung berkata -inikah ucapan terima kasih!
Orang apakah ini! Kita hanya sambut satu sahaja-kerana merasa sudah tinggi lalu lupa dirinya.

Kalau hukama bilang orang-orang Indonesia lebih Belanda daripada Belanda maka ada betulnya pula kalau orang Melayu lebih Inggerisan daripada Inggeris-tentang apa?! Kurang-kurang orang Inggeris hendak mengubah kebudayaan kita (huruf Melayu) lebih-lebih lagi orang kita terutamanya pihak-pihak yang takut periuk nasinya masuk pasir: Kalau keadaan ini berjalan terus maka kemudian hari nanti kita hanya jadi tukang kebun sahaja! Sifat yang demikian ini kalau ada di dalam dada orang-orang kita lebih baik jangan bilang ia orang Melayu-bilang sahaja Malayan. Habis perkara.

-----*-----*

Di dalam penyataan pelajaran berkenaan dengan sekolah kebangsaan di Persekutuan Tanah Melayu telah memberi kenyataan bahawa masa yang diberi kepada pengajaran-pengajaran agama di sekolah-sekolah kebangsaan itu hanya setengah jam sahaja – sama seperti yang diberi kepada bahasa-bahasa Cina dan Tamil. Fahamkah orang-orang Islam apa erti ini?! Jawabnya kedudukan agama kita yang beratus-ratus tahun di sini tarafnya nampaknya pada pandangan kerajaan dan orang-orang kita sendiri yang menyertainya tidak lebih daripada kedua-dua bahasa itu apa fikir orang-orang Islam sekarang-mahu diam juga lagi?! Sinilah tapak untuk mengawal keselamatan kita! Kerana tidak boleh berharap kepada orang lain terutamanya kepada “panchor” yang ingat sedap kepada dirinya sendiri sahaja!

-Cemeti Al-Farouk.